

Takurda-o Burus o wu gene Pirimõn

Rem-se ro n-me à:

M-zantẽ 1-3

Bom un Pirimõn 4-7

Kone un Onesimus us-kon 8-22

Ur-kom 23-25

Ur-gas

¹ Ka takurda-o un rwuun be un de Burus, wu ro ke'o à, ha-mo un be-ur Pirimõn. A un ka me remen um rworog ma-ut **Kiristi*** Yeso to ur-bon. Me un **Timoti** ne or na ro wo m-gas.

Pirimõn wo ko-nay-wu, komo or te n-me un senge-m **Kiristi**.

² Te komo m-gas un **yan-dor Yeso**, ye ro m-morge un hur-o ru remen bongon-de Shir à. Tomso te m-gas un or na ne'a, jin-de un wu Apiya, un Arkibus ko-karma be-de un rwor un **Ma-to m-Rerem** to ma **Kiristi**.†

³ Um konog Shir Tato na un Wan-Koyan ne Yeso Kiristi, ye ye'et no m-yar un gwugwu-mo ur-hur ne.

Was-m Pirimõn m-sheer ne

⁴ Or re Pirimõn, ko o ke da-o um kone, me wo m-tan um 'ye Shir re ur-bongon,

⁵ remen um hogute wo m-was un hun-ne ye Shir ne kap, m-sheer ne mo wotte à, be-ur Wan-Koyan Yeso.

* **1:1 1:1** Wu Shir daagne à. † **1:2 1:2** Hyen komo: Koro 4:17.

⁶ Kõn-õs re se rõ, morõg-ur nõ de ur-bon de un yan-dor o un **Kiristi**, de gu wõ o nept rii-yo ur-bon, yo o yoose be-ur Yeso **Kiristi**.

⁷ Wan-henem re, was-m ru ya'ag me o-zak un caari-o un jaab-o ut-men ne! Men-to un yan-dor nomõg o-zak rem ru.

Us-kõn rem Onesimus

⁸ Remen kaane, rem **Kiristi**, man nom jaab-o ut-men, um rurutu wõ yo o he nom yo depe à untun wan-dor. Amba man gaktu wõ á,

⁹ remen me wõ m-was. Me, Burus, ko-mõng kane ke'o, rem **Kiristi** Yeso, um jiiشته m-con um kon wõ.

¹⁰ Me wõ us-kõn o nome Onesimus‡ rii-yo ur-bon, wu warge wa re bõ um ro ke'o à. §

¹¹ N-ga wu ro hwaa be un du, amba m-mõka ko-yan-gwu-wu be un du un me ne.

¹² Me wu m-muutbe be un du, amba hur un de rõ be-de un wu.

¹³ Bõ um rõ ke'o kane à, remen rwõru un Ma-ut m-Rerem à, um ro conõg um yagu wu kane un me ne remen wu guut me un sugõ un du.

¹⁴ Kap un kaane ne, me con um ru wõ nom un yo ken rii-yo ba wõ un con á. Amba man cun o nom yo un con-m ru ba m-gakte.

¹⁵ O ken da-o, Onesimus ro wongute un wõ ne un ya o-da hiin, remen o doot wu m-gõks ba m-ta.

¹⁶ Wõ gõks wu untun ko-guw á, amba arge kaane, gwõt wu untun or ru ko-yan-dor, wu o cone à. Me wu m-was deen. Depete o was un

‡ **1:10 1:10** Jin-ur Onesimus de rõ “Net sq-wu.” § **1:10 1:10** Hyen komo: Koro 4:9.

wu ne arge kaane, un es-de un wu ko-guw-wu Shir, un wu shere ne be-ur Wan-Koyan à.

¹⁷ Un kaane, urege wo us-barag, me or ru wu, goks Onesimus bo o he me m-goks à.

¹⁸ Urege Onesimus nomotu wo **ur-ba'as**, sokse wu. Urege wo wu m-dore ur-moog, muut ka moog-de un hi un de.

¹⁹ Me genbe un kom-ut re: Me, Burus, man topso wo kap yo wo Onesimus m-dore à. (Man nom ma-to un hoog pu-o, o o kume be un de á.)

²⁰ Un kaane heno re, hakkure, um konog yo ka be un du, rwo men-ut re nom m-gwugwu! Nom yo ka remen jin-ur Wan-Koyan na, na hen-ne ye be-ur **Kiristi**.

²¹ Um nepse dorotte-o ru, woa nom har ma arge yo um kone wo à.

²² Komo har m-moka, kum o-kuke rem re n-me un hur-o ru, remen me o-sakto, Shir a goks kon-us no kap wu muutbu me be-ur no.

Gas-de ur-kom

²³ Epparas, wu ro ke'o un me ne à, remen wu ro un dor **Kiristi** Yeso, tombutu wo gas-de un wu.*

²⁴ Kaane komo or re ne yan-senge-mo un rworu un ma-ut Yeso, Markus, un Aristarkus, un Dimas, un Ruka ne, or re ne n-me m-senge ye wo ur-gas.†

²⁵ Yar-mo Wan-Koyan Yeso **Kiristi** ma'as un wo ne!

* **1:23 1:23** Hyen komo: Koro 1:7; 4:12. † **1:24 1:24** Hyen komo: Seng 12:12,25; 13:13; 15:37-39; 19:29; 27:2; Koro 4:10,14; 2Tim 4:10-11.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 28 Dec 2024 from source files dated 29 Jan 2022

4b40cd80-7cb8-5d3d-8563-557f030f99d7